

ԻՐԱԴՐՈՒԹԻՒՆԸ ՀԱԴՐՈՒԹԻ ՇՐՋԱՆՈՒՄ

Ստեփանակերտ, 4 Յունիսի, ՄՍԿ.- Հաղորդի շրջանից շարունակում են ստացուել մտահոգիչ եւ տազնապալի լուրեր: Աղբբեջանական ուղղաթիւներից գնդակոծում եւ ուժակոծում են տեղահանութիւնից յետոյ վերաբնակեցուող Առաքիւ, Բանազուր, Նծաբերդ, Քարագլուխ, Միւլքիդարա եւ այլ գիւղեր, որի հետեւանքով վիրատրուել են երկու հայ: Երեկ երեկոյեան սկսուել է Դուանլար եւ Քարագլուխ գիւղերի բնակեցումը ազերիներով:

Հին Թաղլար գիւղի վրայ յարձակուել են ՕՍՕՆը եւ չորրորդ բանակի ստորաբաժանումները: Գիւղում տեղի է ունենում թալան: Գիւղացիները փախչում են դէպի Նծաբերդ:

Հին Թաղլար գիւղի պարետը դիմել է Ստեփանակերտի պարետին օգնութեան խնդրանքով, սակայն վերջինս պատասխանել է, որ օգնութիւնը կը լինի 2 օրից յետոյ:

Դուանլար եւ Առաքիւ գիւղերի տները քարուքանդ են անում, թալանում են մնացած ապրանքը:

Նախնական տուեալներով ձերբակալուած են 6 հոգի, որոնցից 3ը գտնուում են Ջաբրայիլում. նրանցից մէկը վիրատր է:

-Յունիսի 2ին գիւնուորական

պարետատունը, հիմնուելով ՌՄՀՄ Ներքին գործերի նախարարութեան ղեկավարութեան հրահանգի վրայ, հրամայել է բոլոր գիւղերից հանել գիւնուորական պարեկակէտերը եւ հեռացնել բնակչութեանը: Նորից բռնի կերպով տեղահանում են հայկական գիւղերի բնակիչները, ազերիներով բնակեցնելու նպատակով, ասում է երեկ ՌՄՀՄ ՊԱԿի նախագահ Կրիւչկովին եւ ՆԳ նախարար Պուգոյին յղուած հեռագրի մէջ, որը ստորագրել են Արցախից ընտրուած ՌՄՀՄ ժողովրդական չորս պատգամաւորներ:

Զինուորական պարետատնից տեղեկանում ենք, որ գիւղերում տեղատրուած ՌՄՀՄ Ներքին զօրքերի պարեկակէտերը պիտի փոխարինուեն խորհրդային բանակի ստորաբաժանումներով: ՌՄՀՄ ժողովրդական պատգամաւորներ Զօրի Բալայեանը, Կահան Գաբրիէլեանը, Բորիս Դադամեանը եւ Հենրիկ Պողոսեանը ՌՄՀՄ ղեկավարութեանը ուղղուած հեռագրում նշում են, որ -արտակարգ դրութեան շրջանում Ներքին զօրքերի փոխարինումը Աղբբեջանում տեղաբաշխուած խորհրդային բանակի ստորաբաժանումներով անթոյլատրելի է, քանզի չորրորդ բանակը հիմնականում կազմա-

տրուած է աղբբեջանցիներից-Յիշենք, որ չորրորդ բանակի ստորաբաժանումների անձնակազմի գրեթէ 60 տոկոսը ազերիներ են, որոնց ուժերով իրագործուել էր Գետաշէնի եւ Մարտունաշէնի գրաւումը եւ Հայաստանի Հանրապետութեան սահմանամերձ գիւղերի ատրումը:

Մարզում վերսկսուել են ապօրինի ձերբակալութիւնները: Յունիսի 1ից լոյս 2ի գիշերը, Ստեփանակերտում ձերբակալուել են չորս հայորդի, որոնցից մէկը քաղաքի ոստիկանատան պատասխանատու հերթապահ մայրը Հ. Շահբագեանն է, որին առեւանգել են աշխատավայրից: Յատկանշական է, որ այս ձերբակալութիւններին մասնակցել են գիւնուորականները երկու գրահամբեւաններով: Ձերբակալութեան ակնատես ոստիկանատան հերթապահի օգնականը յայտնեց, որ ինքը կարծելով թէ ձերբակալութիւնը կատարում է Պոլիանիչկոյի յատուկ խմբի ուժերով, ահազանգել է պարետատուն, որտեղից պատասխանել են, որ գիւնուորական պարետ ժուկովը տեղեկ է ձերբակալութիւններից, որոնք կատարում են Աղբբեջանի դատախազութեան ցուցմունքով: